



05261

阮元瑜集

阮元瑜藏板



阮元瑜集目錄

賦

鸚鵡賦

止欲賦

箏賦

紀征賦

詩

駕出北郭門

琴歌

建安七子集

阮元瑜集
目錄

詠史詩二首

雜詩二首

七哀

隱士

苦雨

失題

公讌

怨詩

書

爲曹公作書與孫權

論

文質論

文

弔伯夷文

句

謝太祖牋

爲武帝與劉備書

校勘記

建安七子集

阮元瑜集
目錄

三

世園藏板

阮元瑜集

魏陳畱阮 瑀著

長沙楊恩壽鑒定

男逢辰撰

賦

鸚鵡賦

藝文類聚九十一又百三家集又淵鑑類函鳥部

惟翩翩之豔色誕嘉類於京都穢夷風而弗處慕聖惠而來徂被坤文之黃色服離光之朱形配秋英以離絲苞天地以耀榮

止欲賦

藝文類聚十八又百三家集

建安七子集

阮元瑜集賦

一 坦園藏板

夫何淑女之佳麗顏恂恂以流光歷千代其無匹超古今而特章執妙年之方盛性聰惠以和良稟純潔之明節後申禮以自防重行義以輕身志高尚乎貞姜予情悅其美麗無須臾而有忘思桃夭之所宜願無衣之同裳懷紆結而不暢魂一夕而九翔出房戶以躑躅覩天漢之無津傷匏瓜之無偶悲織女之獨勤還伏枕以求寐庶通夢而交神神恍惚而難遇思交錯以續紛遂終夜而靡見東方旭以既晨知所思之不得乃抑情以自信

箏賦

藝文類聚四十四又百三家集又淵鑑類函樂部

夫惟箏之奇妙極五音之幽微苞羣賢以作主冠眾樂而爲師稟清和於律呂籠絲木以成資身長六尺應律數也故能清者感天濁者合地五聲並用動靜簡易大興小附重發輕隨折而復扶循覆逆開浮沈抑揚升降綺靡殊聲妙巧不識其爲平調足均不疾不徐遲速合度君子之行也慷慨磊落卓礫盤紆壯士之節也曲高和寡妙伎雖工伯牙能琴於茲爲朦敝繹翁純庶配其蹤延年新聲豈比能同陳惠李文曷能是逢

建安七子集

阮元瑜集賦

二

坦園藏板

紀征賦

藝文類聚九十一又百三家集又淵鑑類函武功部

仰天民之高衢兮慕在昔之遐軌希篤聖之崇綱兮惟弘哲而爲紀同天工而人代兮匪賢智其能使五材陳而竝序兮靜亂由乎千戈惟蠻荆之作讐兮將治兵而濟河遂臨河而就濟兮瞻禹績之茫茫距疆澤以潛流兮經崑崙之高岡目幽蒙以廣衍兮遂霑濡而難量

詩

駕出北郭門

樂府詩集雜曲歌辭又百三家集

談藝錄云樂府往往敘事故與詩殊蓋敘事辭緩則冗不精闢翩翩堂前燕墨字極促乃佳阮瑀駕出北郭門視孤兒行大緩弱不逮矣

駕出北郭門馬樊不肯馳下車步踟躕仰折枯楊枝顧
聞丘林中噉噉有悲啼借問悲啼出何為乃如斯親母
舍我歿後母憎孤兒饑寒無衣食舉動鞭箠施骨消肌
肉盡體若枯樹皮藏我空室中父還不能知上塚察故
處存亡永別離親母何可見淚下聲正嘶棄我于此間

建安七子集

阮元瑜集詩

三

坦園藏板

窮厄豈有賞傳告後代人以此為明規

琴歌

樂府詩集雜曲歌辭又百三家集

魏文士傳云太祖雅聞瑀名辟之不應乃逃入山中太祖使人焚山得瑀太祖時征長安大延賓客怒瑀不與語使就技人列瑀善解音能鼓琴撫絃而歌為曲既捷音聲殊妙太祖大悅按曲略文章志瑀建安初辭疾得召即起不得有焚山事太祖征荊州瑀作書十六年入關而云得瑀在長安瑀十七年卒太祖次年為魏公辭稱大魏愈知其妄矣

奕奕天門開大魏應期運青蓋巡九州在東西人怨士
為知己死女為悅者玩恩義苟潛暢他人焉能亂

詠史詩二首

廣文選詠史又百三家集又淵鑑類函文學部

其一

誤哉秦穆公身沒從三良忠臣不違命隨軀就死亡低
頭闕墮戶仰觀日月光誰謂此何處恩義不可忘路人
為流涕黃鳥鳴高桑

其二

燕丹養勇士荆軻為上賓圖擢盡七首長驅西入秦素
車駕白馬相送易水津漸離擊筑歌悲聲感路人舉坐
同咨嗟歎氣若青雲

雜詩二首

藝文類聚二十七又廣文選行旅又
百三家集又淵鑑類函人部

建安七子集

阮元瑜集

四

世園藏板

其一

臨川多悲風秋日苦清涼客子易為戚感此用哀傷攬
衣起躑躅上觀心與房三星守故次明月未收光雞鳴
當何時朝晨尙未央還坐長歎息憂憂安可忘

其二

我行自凜秋季冬乃來歸置酒高堂上友朋集光輝念
當復離別涉路險且夷思慮益惆悵淚下沾裳衣

七哀

藝文類聚三十四又廣文選哀傷又百三
家集又淵鑑類函人部

丁年難再遇富貴不重來良時忽一過身體為土灰冥

冥九泉室漫漫長夜臺身盡氣力索精魂靡所能嘉肴
設不御旨酒盈觴杯出壙望故鄉但見蒿與萊

隱士 百三家集又淵鑑類函人部

四皓潛南岳老萊竄河濱顏回樂陋巷許由安賤貧伯
夷餓首陽天下歸其仁何處患貧苦但當守明真

苦雨 百三家集又淵鑑類函天部

苦雨滋玄冬引日彌且長丹墀自殲殪深樹猶沾裳客
行易感悴我心摧已傷登臺望江河陽侯沛洋洋

失題 百三家集又淵鑑類函人部

建安七子集 阮元瑜集 五 坦園藏板

白髮隨節墮未寒思厚衣四支易懈倦行步益疏遲常
恐時歲盡魂魄忽高飛自知百年後堂上生李葵

公讌 百三家集

陽春和氣動賢主以崇仁布惠緩人物降愛常所親上
堂相娛樂中外奉時珍五味風雨集杯酒若浮雲 關

怨詩 藝文類聚三十又百三家集

民生受天命漂若河中塵雖稱百齡壽孰能應此身猶
獲嬰凶禍流落恆苦心 關

書

為曹公作書與孫權

六家文選書又藝文類聚二十五又百三家集又淵

鑑類函 人部

初權兄策并江東魏武力未能逞且欲撫之以弟女配策弟匡為子彰取孫贲女及策薨權遂西連蜀漢結好劉備故書與權

離絕以來於今三年無一日而忘前好猶姻媾之義恩

情已深違異之恨中間尚淺也孤懷此心君豈同哉每

覽古今所由改趣因緣侵辱或起瑕釁心忿氣危用成

大變若韓信傷心於失楚彭寵積望於無異盧綰嫌畏

建安七子集

阮元瑜集 書

六 垣園藏板

於已隙英布憂迫於情漏此事之緣也孤與將軍恩同

骨肉割授江南不屬本州豈若淮陰捐舊之恨抑遏劉

馥相厚益隆甯放朱浮顯露之奏無匿張勝貸故之變

匪有陰構賁赫之告固非燕王淮南之豐也而忍絕王

命明秉碩交實為佞人所構會也夫似是之言莫不動

聽因形設象易為變觀示之以禍難激之以恥辱大丈

夫雄心能無憤發昔蘇秦說韓羞以牛後韓王按劍作

色而怒雖兵折地割猶不為悔人之情也仁君年壯氣

盛緒信所變既懼患至兼懷忿恨不能復遠度孤心近

慮事勢遂齋見薄之決計秉翻然之成議加劉備相扇揚事結疊連推而行之想暢本心不願於此也孤以薄德位高任重幸蒙國朝將秦之運蕩平天下懷集異類喜得全功長享其福而姻親坐離厚援生隙常恐海內多以相責以爲老夫包藏禍心陰有鄭武取胡之詐乃使仁君翻然自絕以是忿忿懷慙反側常思除棄小事更申前好二族俱榮流祚後嗣以明雅素忠誠之效抱懷數年未得散意昔赤壁之役遭離疫氣燒船自還以避惡地非周瑜水軍所能抑挫江陵之守物盡穀殫無

建安七子集

阮元瑜集書

七

坦園藏板

所復據徙民還師又非瑜之所能敗也荆土本非已分我盡與君冀取其餘非相侵肌膚有所割損也思計此變無傷於孤何必自遂於此不復還之高帝設爵以延田橫光武指河而誓朱鮪君之負累豈如二子是以至情願聞德音往年在譙新造舟船取足自載以竝九江貴欲觀灑之形定江濱之民耳非有深入攻戰之計也將恐議者大爲已榮自謂策得長無西患重以此故未肯迴情然智者之慮慮於未形達者所規規於未兆是故子胥知姑蘇之有麋鹿輔果識智伯之爲趙禽穆生

謝病以免楚難鄒陽北遊不同吳禍此四士者豈聖人
哉徒通變思深以微知著耳以君之明觀孤術數量君
所據相計土地豈勢少力乏不能遠舉割江之表晏安
而已哉甚未然也若恃水戰臨江塞要欲令王師終不
得渡亦未必也夫水戰千里情巧萬端越爲三軍吳曾
不禦漢潛陽夏魏豹不意江湖雖廣其長難衛也凡事
有宜不得盡言將脩舊好而張形勢更無以威脅重敵
人之心然有所恐恐書無益何則往者軍逼而自引還
今日在遠而興慰納辭遜意狹謂其力盡適以增驕不
足相動但明效古當自圖之耳昔淮南信左吳之策隗
囂納王元之言彭寵受親吏之計三夫不寤終爲世笑
仁君少畱意焉若能內取子布外擊劉備以效赤心用
復前好則江表之任長以相付高位重爵坦然可觀上
令聖朝無東顧之苦下令百姓保安全之福君享其祿
孤受其利豈不快哉若忽至誠以處僥倖婉彼二人忍
不加罪所謂小人之仁大人之賊大雅之人肯爲此也
若憐子布願言俱存亦能傾心去恨順君之情更以從

建安七子集

阮元瑜集

八

坦園藏板

事取其後善但禽劉備亦足爲效開設二者審處一焉
聞荆揚諸將並得降者皆言交州爲君所執豫章距命
不承執事疫旱並行人兵損滅各求進軍其言云云孤
聞此言未以爲悅然道路旣遠降者難信幸人之災君
子不爲又且百姓國家之有加懷區區樂欲崇和庶幾
明德來見招副不勞而定於孤益貴是故按兵守次遣
書致意古者兵交使在其中願仁君及孤虛心迴意是
以應詩人補袞之歎而慎周易牽復之義濯鱗清流飛
翼天衢良時在茲勛之而已

建安七子集

阮元瑜集
書

九

坦園藏板

論

文質論

藝文類聚二十二又百三家集又淵鑑類函人部

蓋聞日月麗天可瞻而難附羣物著地可見而易制夫遠不可識文之觀也近而易察質之用也文虛質實遠疏近密援之斯至動之應疾兩儀通數固無攸失若乃陽春敷華遇衝風而隕落素葉變秋旣究物而定體麗物若僞醜器多牢華璧易碎金鐵難陶故言多方者中難處也術饒津者要難求也意弘博者情難足也性明察者下難事也通士以四奇高人必有四難之忌且少

建安七子集

阮元瑜集論

十

坦園藏板

言辭者政不煩也寡知見者物不擾也專一道者思不散也混濛蔑者民不備也質士以四短違人必有四安之報故曹參相齊寄託獄市欲令奸人有所容立及爲宰相飲酒而已故夫安劉氏者周勃正嫡位者周勃大臣不强不至華言孝文上林苑欲拜嗇夫釋之前諫意崇敦朴自是以降其爲宰相皆取堅強一學之士安用奇才使變典法

文

弔伯夷文

藝文類聚三十七又百三家集

余以王事適彼洛師瞻望首陽敬弔伯夷東海護國西
山食薇重德輕身隱景潛暉求仁得仁報之仲尼沒而
不朽身沈名飛

建安七子集

阮元瑜集

七

坦園藏板

句

謝太祖牋

百三家集

一得披玄雲望白日惟力是視敢有二心

爲武帝與劉備書

百三家集

披懷解帶投分寄意

建安七子集

阮元瑜集

句

三

坦園藏板

阮元瑜集校勘記

○紀征賦

五材陳而並序兮

藝文類聚從此迄末上句皆無兮字

○駕出北郭門行

談藝至逮矣

百三家集本

下車步踟躕

百三家集躑下註一作躑躅

○琴歌

魏文至矣矣

樂府百三家集均節錄魏書百三家集本較詳今仍之

大魏應期運

百三家集魏作會

建安七子集

阮元瑜集校勘記

三

坦園藏板

女為悅者玩

百三家集者作已

○詠史

仰觀白日光

廣文選淵鑑類函觀作視

○雜詩

感此用哀傷

百三家集感下註一作對

○七哀

精魂靡所能

百三家集能下註一作迴

○為曹公作書與孫權

初權至與權

百三家集節錄文選註善日引吳書

猶嫻媁之義

文選本

猶上註善本有亦字百三家集同善

或起瑕釁心忿氣危

文選釁下註善本作豐字氣下註善本作意字百三家集同善本

包藏禍心

文選包下註善本作苞字

所能抑挫

文選註善本有也字百三家集同善本

以竝九江

文選竝下註善本作至

貴欲觀濼之形

文選觀下註善本有湖字百三家集同善本

隗囂納王元之言

文選隗上註善本有漢字

願仁君少畱意焉

文選仁下註善本無仁字

大人之賊

文選人下註善本作仁字

建安七子集

阮元瑜集校勘記

古

坦園藏板

肯爲此也

文選肯上註善本有不字百三家集同善本

更以從事

文選以下註善本作與字百三家集同善本

是以應詩人補袞之歎

文選註善本無是字

